



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlm IV. Cùm pridem.

[urn:nbn:de:hbz:466:1-62559](#)

Corollarium. Si Titius mihi centum aureos promisit, ut Romanam eam; itare ciuili non compellitur ad numerandam pecuniam; sed et si numerauerit, per pœnitentiam redere potest, ac pecuniam repetere, antequam ego conditionem impleui, seu iter arripui; dummodo resarciat, si mea interficit pactum impletum non esse, si pecuniam, s. f. de condicione causa data, &c. Sed secundum ius canonicum, & forum conscientiae ita paciscens cogitur stare promissis; quamdiu altera pars parata est implere conditionem, seu promissum suum, vti bene docet h. Felinus declarat. septima, Couar. in c. quamvis pactum, p. 2. §. 4. n. 14. & dixi in cit. tr. 4. c. 3. n. 3.

CAPITVLVM II.

Quotiens.

PARAPHRASIS.

Conuentiones, seu pacta, quæ in Ecclesiis v. g. fiunt, Pontifex consensu suo postea præstito confirmare, & ratificare potest,

SUMMARIUM.

Conuentio aliquo modo valida, saltem iure naturæ, per consensum Superioris postea adhibitum validatur, & confirmatur.

Disputant hic Doctores, utrum consensus postea adhibitus actum ratificare aut confirmare possit. Bene respondent hic Imola, Innoc. in c. cum consuetudinis, de consuet. Bartol. in l. obseruare, n. 7. f. de offic. Proconsulis. Vel actus secundum substantiam omnimodè, etiam spectato naturali iure, irritus est; & subsequente consensu non confirmatur, aut ratificatur: quia quod non est, id confirmari non potest; neque firmatur tractu temporis, quod ab initio de iure non subsistit, reg. 18. in 6. Vel aliquo modo validus est, saltem spectato naturali iure, tum consensu postea adhibito confirmatur. Sic enim alienatio rerum facta à Prælato, per consensum Capituli postea præstitum ratificatur, c. 3. de his quæ fiunt à Prælatis, &c.

Item alienatio facta à Rectore Ecclesiæ inferioris, confirmatur per consensum Superioris, (videl. Episcopi, aut Papæ) postea adhibitum, arg. huius c. Vide quæ dixi in c. prudentiam, 20. §. Sed vt hæc, not. 2. de offt. delegati.

Sed obijciturl. obligari, 9. §. Tutor. ff. de auctorit. tutorum, vbi dicitur, contractum pupilli non confirmari, si tutor auctoritatem postea præbeat. Respondeo cum Gl. margin. in cit. c. 3, Innoc. in cit. c. cum consuetudinis; Auctoritatem plus aliquid esse, quam nudum consensum. Nam qui auctoritatem præstat, is principalis esse debet, vt absque eo actus valere non possit pro tempore, quo gestus est; licet valere possit pro tempore, quo auctoritas interuenit, vti Abb. hic ann. taurit.

CAPITVLVM III.

Qualiter.

Væ promissa sunt, opere adimpleri debent. Vide quæ dicta sunt in cap. i. hoc titulo.

CAPITVLUM IV.

Cùm pridem.

PARAPHRASIS.

Inter Monachos de Acra, & Publum Clericum fratremque eius germanum controveuersia erat super Ecclesia quadam, & Cappella, quibus Publius, eiusque frater se à Monachis deiectos dicebant. Postea autem inter se priuata auctoritate transegerunt, vt Publius ac frater eius lite cederent. Monachi autem eisdem tres marchas argenti soluerent in compensationem expensarum. Eam postea compositionem seu transactionem Apostolica auctoritate confirmari volebant: Sed Alexander III. admittere noluit, eo quod illicetæ seu simoniæ pactionis speciem contineret: Quamobrem alium partibus compositionis modum proposuit, vt videl. Publius pro se, & fratre suo liti renuntiaret, ideoque

que instrumenta authentica traderet, quæ super illa causa habebat; ipsis autem Monachi de alio beneficio prouiderent. Cum autem Monachi compositioni huic non acquiescerent, mandauit Papa, ut nisi beneficium dictis fratribus assignaret, ipsis ad Ecclesiam, & Capellam restituantur, si iudicibus super hac causa delegatis constituerit, eos absque ordine iudicario deiectos fuisse. Idque non obstantibus literis confirmationis, quas Monachi à Papa im- petrauerant.

SUMMARIUM.

1. Illicita & simoniaca est transactio, si propria auctoritate una pars lite, & iure beneficiario cedat; altera vero temporale quippiam offerat.
2. Resignans ius suum v. g. beneficiarium, cogendus est tradere instrumenta.
3. Papalice possit litigantes super beneficio per plenitudinem sua potestatis cogere ad renunciandum & componendum, non tamen facilè solet, nisi grauis causa urgeat.
4. Renuncians beneficio in manibus Superioris per transactionem, ut pars altera quippiam praestet, hac conditione non impletâ beneficium repetrere potest, & quidem propria etiam auctoritate, si resignatio facta sit in manibus Papa.

NO T A N D V M I. Illicita, & simoniaca censetur transactio, si propria auctoritate fiat, ut una pars lite, & iure beneficiario cedat, altera vero temporale quippiam offerat, v.g. expensas factas restituat. Idque diligenter annotandum esse, monet Imola hic n.2. quia sape tales illicitæ pactiones initiantur, quæ de iure non valent, sed damna- te sunt, c.vlt.hoc tit.c.constitutus, 4.de trans- act.c.que situm, 6.de rerum permut. Sed interueniente Superioris auctoritate nihil prohibet talen transactiōnem inter partes insti- tui, ut una earum lite, & iure, si quod habet in beneficio, abscedat, altera ipsi expensas factas refundat, aut pensionem annuam soluat, uti

docui lib.4.tr.10.c.vlt.n.51.58.& 59. & vi- deri hic potest Innoc.

N O T A N D V M II. Qui renuntiauit iuri suo, v.g. beneficiarii, cogendus est tradere instrumenta; cum ipsis prodesse amplius non possint. Ita etiam sumitur ex l. vlt. C. ad exhibendum, ubi generatim dicitur, quod is, cui satisfactum est, cogi possit ad exhibenda ac reddenda instrumenta, quæ ad eam causam pertinent, quippe cum ex ijs nihil iam petere possit. Ita Gl. hic ver. resignauit.

N O T A N D V M III. Quamvis Sum. Pon- tis sex litigantes super beneficio per plenitu- dinem potestatis sua cogere possit ad renun- tiandum, & componendum, tamen id non faci- lè solet; nisi causa valde intricata sit, vel diu litigatum, vel alia necessitatis causa urget: Imò tali casu etiam Iudex inferior composi- tionem imperare poterit, ut dixi in rubr. de treuga, & videri hic potest Abb. n.6.

N O T A N D V M IV. Si quis renuntiauit 4 beneficio in manibus Superioris per viam transactionis, ut pars altera quippiam pre- stet; non impletâ ista conditione, beneficium suum repetere potest; Imò vero propria au- toritate reassumere, saltem si resignatio fa- cta fuit in manibus Papæ, sicuti in simili de permutatione beneficiorum dixi lib. 4. tr. 2. c.17. n.7. §. Hinc etiam, & videri potest I- mola hic n.7. Abb. n. 11. Gl.ver. restitui faciat.

CAPITVLVM V.

Accepimus.

PARAPHRASIS.

Sacris canonibus inimica, atque irrita est pactio, si quis ita in Ecclesia instituatur, ut post mortem eius certum successorem v.g. cognatum suum habeat.

SUMMARIUM.

Non valet pactum de succedendo in ecclesias- sticis beneficiis; unde etiam promissiones de beneficio nondum vacante prohibita

Ccccc sunt,